



SARAJEVSKI OTVORENI CENTAR



Općina Centar Sarajevo
n/r načelnika Općine Centar
Dževad Bećirević

Mis Iribina 1
BiH – 71000 Sarajevo

Tel/Fax: +387 33 22 64 70
nacelnik@centar.ba

[dopis sadrži ukupno 2 stranica]

Sarajevski otvoreni centar

Čekaluša 16
BiH - 71000 Sarajevo

Tel/fax +387 33 200037
office@soc.ba

Broj protokola: 1-73/15

Datum: 12.03.2015.

**PREDMET: Poziv za sastanak vezan za inicijativu za izradu lokalnog Gender akcionog plana
Opštine Centar, Sarajevo**

Poštovani,

Obraćamo Vam se ispred Sarajevskog otvorenog centra, nezavisne, nestranačke i neprofitne organizacije koja promovira ljudska prava LGBT osoba i žena u društvu, zagovara za promjene legislative i politika vlasti u Bosni i Hercegovini, te primjenu postojećih politika kod bh. vlasti i međunarodnih tijela i Udruženja Žene ženama, koje je samoorganizovana ženska grupa koja svojim djelovanjem u području ženskih ljudskih prava i rodne ravnopravnosti nastoji doprinjeti razvoju civilnog društva u Bosni i Hercegovini.

Bosna i Hercegovina ima Gender akcioni plan za period 2013-2017. godine. Navedeni dokument sadrži strateške ciljeve, programe i mjere za ostvarivanje ravnopravnosti spolova u svim oblastima društvenog života i rada, u javnoj i privatnoj sferi. Ovaj dokument je bitan jer daje smjernice za izradu godišnjih operativnih planova na entitetskom, kantonalnom i lokalnom nivou, ali i zbog toga što prati prioritete svih nivoa organizacije vlasti u Bosni i Hercegovini.

Gender akcioni plan Bosne i Hercegovine, za period 2013-2017. godine, sadrži tri strateška cilja u okviru kojih su definisane tri prioritete oblasti djelovanja: Izrada, sprovođenje i praćenje mjera za unapređenje ravnopravnosti spolova u institucijama vlasti, po prioritetskim oblastima; Izgradnja i jačanje sistema, mehanizama i instrumenata za postizanje ravnopravnosti spolova; Uspostavljanje i jačanje saradnje i partnerstava.

Gender akcionim planom je također predviđena izrada Gender akcionih planova na lokalnom nivou, ali veoma mali broj općina/gradova u BiH ga ima, samo njih četrnaest. Jedina općina u Sarajevu koja ima lokalni Gender akcioni plan je Općina Novi Grad, za period od 2011-2015. godine.

Primijetili smo da se u Općini Centar prilikom imenovanja stalnih i povremenih radnih tijela Općinskog vijeća i radnih tijela koje imenuje Općinski načelnik/ca vodi računa o zastupljenosti oba

spola u istim, te da se primijenjuju odredbe Zakona o ravnopravnosti spolova. Također, postoji i Komisija za zaštitu ljudskih prava i ravnopravnost spolova Općinskog vijeća Centar Sarajevo, koja funkcionira kao stalno radno tijelo, a čije postojanje i osnivanje je predviđeno članom 29. Poslovnika o radu Općinskog vijeća .

Ono što smo također uočili kroz istraživanje o ravnopravnosti spolova na lokalnom nivou u gradovima/opštinama/općinama u cijeloj Bosni i Hercegovini, koje Sarajevski otvoreni centar provodi sa Fondacijom Cure iz Sarajeva, jeste da Općina Centar nema Gender akcioni plan na lokalnom nivou.

Stoga, smatramo da je postojanje istog jako bitno da bi se na što bolji, praktičniji i prilagođeniji način riješila najbitnija pitanja koja se tiču rodne ravnopravnosti, te brojnih problema i poteškoća s kojima se susreću žene na lokalnom nivou u pomenutoj općini. Sarajevski otvoreni centar i Udruženje Žene ženama su prepoznali značaj ove situacije i voljni su da svojim znanjem i iskustvom u radu na sličnim pitanjima pomognu Općini Centar u izradi Gender akcionog plana, stoga bismo pozvali predstavnike Općine Centar na inicijalni sastanak kako bismo dogovorili izradu LGAP-a.

Nadamo se da će Općina Centar prepoznati važnost postojanja Gender akcionog plana na lokalnom nivou, da bi se na najbolji mogući način nastavilo pozitivno djelovanje iste u oblasti ravnopravnosti spolova, te da će prihvatiti našu ponuđenu pomoć i poziv na sastanak.

Kontakt osoba: Saša Gavrić, Izvršni direktor Sarajevskog otvorenog centra, email sasa@soc.ba, mob. 065 057 785.

S poštovanjem,

Za Sarajevski otvoreni centar i Udruženje Žene ženama
Saša Gavrić

